



ს ა ქ ა რ თ ვ ე ლ ო
სამტრედიის მუნიციპალიტეტის საკრებულო



ოქმი:ო63.63211804

თარიღი:29/06/2021

სამტრედიის მუნიციპალიტეტის საკრებულოს

ბიუროს რიგგარეშე სხდომის

ო ქ მ ი N 21

ქ. სამტრედია. 14 ივნისი, 2021 წელი.

2021 წლის 14 ივნისს, სამტრედიის მუნიციპალიტეტის საკრებულოს თავმჯდომარის, ნუგზარ ჯამბურიას, თავმჯდომარეობით ჩატარდა სამტრედიის მუნიციპალიტეტის საკრებულოს ბიუროს რიგგარეშე სხდომა.

სხდომას ესწრებოდნენ: ნუგზარ ჯამბურია, კობა ძიძიგური, მანანა სირბილაძე, მერაბ უღრელიძე, გიორგი ლეჟავა, ტარიელ დვალიშვილი, ვაჟა სტურუა, ლიზა კრავეიშვილი, ილია მჟავია.

სხდომის თავმჯდომარემ ბიუროს წევრებს გააცნო სხდომის დღის წესრიგი.

დღის წესრიგი

1. მუნიციპალიტეტის საკრებულოში მერიიდან შემოსული წერილობითი მომართვების

განხილვის შესახებ.

/მომხსენებელი: ნუგზარ ჯამბურია/

2. სხვადასხვა

კენჭისყრის შედეგად, (**9 ხმით**) მიღებულია დღის წესრიგი წარმოდგენილი სახით.

სხდომის თავმჯდომარემ ბიუროს წევრებს გააცნო, რომ მუნიციპალიტეტის მერი საკრებულოში შემოვიდა წინადადებით, რათა საკრებულოს რიგგარეშე სხდომაზე განხილული და მიღებული იქნას ა. (ა). ი. პ. -ებსა და შ. პ. ს-ის სუბსიდიის გეგმაში ცვლილებები.

ვაჟა სტურუამ აღნიშნა, რომ სულ ცოტა ხნის წინ კერძოდ, 8 ივნისს, გვექონდა საკრებულოს რიგითი სხდომა. არ მიმაჩნია სწორად, რომ ერთ კვირაში, რიგგარეშე

სხდომის მოთხოვნით, განსახილველად შემოვიდეს ისეთი საკითხები, რომლებიც ეხება ა.(ა).ი.პ-ების სუბსიდიაში მუხლობრივი ცვლილებას. აღნიშნულთან დაკავშირებით, საფინანსო-საბიუჯეტო საკითხთა კომისიის სხდომაზე, აუცილებლად მივმართავ შესაბამისი სამსახურის წარმომადგენლებს.

1. 2021 წლის 10 ივნისის N 62-622116129, წერილობითი მომართვა, რომელიც ეხება ა.(ა).ი.პ. სამტრედიის მუნიციპალიტეტის გომის თემის სამუსიკო სკოლის 2021 წლის სუბსიდიის გეგმაში ცვლილების შეტანის საკითხს. კერძოდ, იზრდება სუბსიდია არაფინანსური აქტივის მუხლში, შესაბამისად არასაცხოვრებელი შენობების მუხლში თანხა იზრდება 20.80 ათ.ლარით.

(მომართვის N 62-622116129, 10/06 /2021 წ. საკრებულოს რეგისტრაციის N 12-63211619-63

10/06/2021წ.)

კენჭისყრის შედეგად, ბიუროს წევრთა გადაწყვეტილებით, ძირითად განმხილველ კომისიად განისაზღვრა საფინანსო-საბიუჯეტო საკითხთა კომისია.

2. 2021 წლის 10 ივნისის N 62-622116133, წერილობითი მომართვა, რომელიც ეხება ა.(ა).ი.პ. „სამტრედიის მუნიციპალიტეტის დაბა კულაშის სამუსიკო სკოლის“ 2021 წლის სუბსიდიის გეგმაში ცვლილების შეტანის საკითხს. კერძოდ, შენობა-ნაგებობების და მათი მიმდინარე ტერიტორიების მიმდინარე რემონტის ხარჯის მუხლში თანხა მცირდება 600 ლარით, საიდანაც 400 ლარი გადაიტანება კომპიუტერული პროგრამის შეძენის და განახლების ხარჯის მუხლში, ხოლო 200 ლარი საოფისე ინვენტარის შეძენა და დამონტაჟების ხარჯის მუხლში, საოფისე ავეჯის შესაძენად.

(მომართვის 10/06 /2021 წ. საკრებულოს რეგისტრაციის N:12-63211617-63, 10/06/2021წ.)

კენჭისყრის შედეგად, ბიუროს წევრთა გადაწყვეტილებით, ძირითად განმხილველ კომისიად განისაზღვრა საფინანსო-საბიუჯეტო საკითხთა კომისია.

3. 2021 წლის 10 ივნისის N 62-622116137, წერილობითი მომართვა, რომელიც ეხება ა.(ა).ი.პ. სამტრედიის მუნიციპალიტეტის „სკოლამდელი აღზრდის დაწესებულებათა (ბაღები და ბაგა-ბაღები) გაერთიანების“ 2021 წლის სუბსიდიის გეგმაში ცვლილების შეტანის საკითხს. კერძოდ, კადრების მომზადება-გადამზადებასთან, კვალიფიკაციის ამაღლებასა და სტაჟირებასთან დაკავშირებულ ხარჯის, თანხა იზრდება 8.8 ათ.ლარით. საქართველოს განათლების და მეცნიერების მინისტრის N68/ნ 28/06/2020 წლის ბრძანების საფუძველზე განხორციელდება „აღმზრდელ პედაგოგთა პროფესიული განვითარების ტრენინ-მოდული“, რის საფუძველზეც მიენიჭებათ აღმზრდელ-პედაგოგის სტატუსი. მცირდება არაფინანსურ აქტივში არასაცხოვრებელი შენობების თანხა 5.0 ათ.ლარით, სხვა მანქანა-დანადგარები და ინვენტარი, რომელიც არ არის კლასიფიცირებული 9.0 ათ.ლარით. სულ თანხა მცირდება 14.0 ათ.ლარით. შესაბამისად იზრდება

თანხა არაფინანსურ აქტივში ავეჯის ხარჯის მუხლში 4.0 ათ.ლარით, ხოლო საქონელი და მომსახურებაში, კერძოდ: შრომითი ხელშეკრულებით დასაქმებულ პირთა ანაზღაურება 5.0 ათ.ლარით, კომპიუტერული პროგრამის შეძენისა და განახლების ხარჯის მუხლი 1.0 ათ.ლარი, ოფისისათვის საჭირო საგნებისა და მასალების შეძენის ხარჯის მუხლი 3.8 ათ.ლარით, საოფისე ტექნიკის, ინვენტარის მოვლა-შენახვის ხარჯის მუხლი 0.2 ათ.ლარით.

(მომართვის N 62-622116137, 10/06 /2021 წ. საკრებულოს რეგისტრაციის N 12-63211614-63

10/06/2021 წ.)

კენჭისყრის შედეგად, ბიუროს წევრთა გადაწყვეტილებით, ძირითად განმზილველ კომისიად განისაზღვრა საფინანსო-საბიუჯეტო საკითხთა კომისია.

4. 2021 წლის 10 ივნისის N 62-622116128, წერილობითი მომართვა, რომელიც ეხება ა.(ა).ი.პ. სამტრედიის მუნიციპალიტეტის „კომპლექსური სპორტული სკოლა“ -ს 2021 წლის სუბსიდიის გეგმაში ცვლილების შეტანის საკითხს. კერძოდ, საკუთარი შემოსავლები იზრდება 5.53 ათ.ლარით, რომელიც მიღებულია ა.(ა).ი.პ. ქართული ფეხბურთის განვითარების ფონდიდან, სასკოლო ფეხბურთის უკეთ განვითარებისა და ხელშეწყობისათვის. შესაბამისად დაიგეგმება ხარჯების ნაწილში 5.33 ათ.ლარი, რბილი ინვენტარისა და უნიფორმის შეძენის მუხლში, ხოლო 0.20 ათ.ლარი სხვადასხვა ხარჯის მუხლში, კერძოდ აუდიტის მომსახურების ხარჯში.

(მომართვის N 62-622116128, 10/06 /2021 წ. საკრებულოს რეგისტრაციის N 12-632116110-63

10/06/2021წ.)

კენჭისყრის შედეგად, ბიუროს წევრთა გადაწყვეტილებით, ძირითად განმზილველ კომისიად განისაზღვრა საფინანსო-საბიუჯეტო საკითხთა კომისია.

5. 2021 წლის 10 ივნისის N 62-622116136, წერილობითი მომართვა, რომელიც ეხება ა.(ა).ი.პ. „ სამტრედიის მუნიციპალიტეტის „საცხენოსნო სპორტული კლუბი“-ს 2021 წლის სუბსიდიის გეგმაში ცვლილების შეტანის საკითხს. სუბსიდიის შემოსავლების გეგმა იზრდება 15.00 ათ.ლარით. კერძოდ, საკვების ხარჯის მუხლში თანხა იზრდება 8.50 ათ.ლარით (საკვების ფასის მატების გამო), სხვა დანარჩენი საქონლისა და მომსახურების ხარჯის მუხლში 3.50 ათ.ლარით (იპოდრომის შესაღობად საჭირო მასალებისათვის). 3.00 ათ.ლარით იზრდება არაფინანსურ აქტივის ხარჯის მუხლი (უნაგირების შესაძენად). თანხა მცირდება სხვა დანარჩენი საქონელის და მომსახურების ხარჯში, სპორტული ღონისძიებების მუხლში 0.70 ათ.ლარით და შესაბამისად 0.70 ათ.ლარით იზრდება სხვა დანარჩენი საქონლის და მომსახურების ხარჯის მუხლში.

(მომართვის N 62-622116136, 10/06 /2021 წ. საკრებულოს რეგისტრაციის N 12-

10/06/2021წ.)

კენჭისყრის შედეგად, ბიუროს წევრთა გადაწყვეტილებით, ძირითად განმხილველ კომისიად განისაზღვრა საფინანსო-საბიუჯეტო საკითხთა კომისია.

6. 2021 წლის 10 ივნისის N 62-622116126, წერილობითი მომართვა, რომელიც ეხება სამტრედიის მუნიციპალიტეტში საფეხბურთო ტრადიციების შესანარჩუნებლად და ადგილობრივი მწვრთნელებისა და ახალგაზრდა ფეხბურთელების ხელშეწყობის მიზნით შ.პ.ს. „სპორტული კომპლექსი სამტრედია“-ს ხელმძღვანელობა ითხოვს მწვრთნელების ხელფასების, ინვენტარის და ტრანსპორტით უზრუნველყოფის დაფინანსებას. სამტრედიის მუნიციპალიტეტის მერის ბრძანება N 37 135 25.02.2021 წლის საფუძველზე შეტანილი იქნა ცვლილება შ.პ.ს. „სპორტული კომპლექსი სამტრედია“ -ს წესდებაში. წესდების მუხლი 3-ის თანახმად შ.პ.ს. „სპორტული კომპლექსი“ სამტრედია“-ს მიზნებს და ამოცანებს შეადგენს ბავშვთა და ახალგაზრდული ფეხბურთის განვითარება. სამტრედიის მუნიციპალიტეტის შ.პ.ს სპორტული კომპლექსი „სამტრედია“ ითხოვს ადგილობრივი ბიუჯეტის სუბსიდიით გათვალისწინებულ ხარჯებში 280 000 ლარის დამატებას და 2021 წლის სუბსიდიით გათვალისწინებულ ხარჯებში ცვლილებას, კერძოდ, თანამდებობრივი სარგოს მუხლში თანხა იზრდება 62600 ლარით; მივლინება ქვეყნის შიგნით 5000 ლარით; ოფისისათვის საჭირო საგნებისა და მასალების შეძენის ხარჯის მუხლში 4000 ლარით; რბილი ინვენტარის, უნიფორმის შეძენის და პირად ჰიგიენასთან დაკავშირებული ხარჯების მუხლში 70 000 ლარით; საწვავ-საპოხი მასალების შეძენის ხარჯების მუხლში 10 000 ლარით; ტრანსპორტის დაქირავების (გადაზიდვა-გადაყვანის) ხარჯის მუხლში

25 000 ლარით; კულტურული, სპორტული, საგანმანათლებლო და საგამოფენო ღონისძიებების ხარჯების მუხლში 21700 ლარით; სხვა დანარჩენ საქონელსა და მომსახურებაზე გაწეული დანარჩენი ხარჯის მუხლში 1700 ლარით; სატრანსპორტო საშუალებების ხარჯის მუხლში 80000 ლარით.

(მომართვის N 62-622116126, 10/06 /2021 წ. საკრებულოს რეგისტრაციის N 10/06/2021წ.)

კენჭისყრის შედეგად, ბიუროს წევრთა გადაწყვეტილებით, ძირითად განმხილველ კომისიად განისაზღვრა საფინანსო-საბიუჯეტო საკითხთა კომისია.

7. 2021 წლის 10 ივნისის N 62-622116134, წერილობითი მომართვა, რომელიც ეხება ა.(ა).ი.პ. „ სამტრედიის მუნიციპალიტეტის საინფორმაციო ცენტრი“-ს 2021 წლის სუბსიდიის გეგმაში ცვლილების შეტანის საკითხს. კერძოდ, მივლინების თანხა (ქვეყნის გარეთ) გაიზარდა 1.3 ათ.ლარით, რომელიც გამოწვეულია საინფორმაციო ცენტრის დირექტორის სოფიო კირთაძის მივლინებით ესტონეთის რესპუბლიკაში, ადგილობრივი თვითმმართველობის წარმომადგენლებთან ერთად 10 დღის განმავლობაში, პროექტის ფარგლებში „ადგილობრივი გამჭირვალე თვითმმართველობა“.

(მომართვის N 62-622116134, 10/06 /2021 წ. საკრებულოს რეგისტრაციის N 12-63211616-63

10/06/2021წ.)

კენჭისყრის შედეგად, ბიუროს წევრთა გადაწყვეტილებით, ძირითად განმხილველ კომისიად განისაზღვრა საფინანსო-საბიუჯეტო საკითხთა კომისია.

8. 2021 წლის 10 ივნისის N 62-622116131, წერილობითი მომართვა, რომელიც ეხება ა.(ა).ი.პ. სამტრედიის მუნიციპალიტეტის „სათნოების სახლი“-ს 2021 წლის სუბსიდიის გეგმაში ცვლილების შეტანის საკითხს. კერძოდ, ადგილობრივი ბიუჯეტით გასაწევ ხარჯებიდან შრომის ანაზღაურების მუხლის თანხა მცირდება 0.27 ათ.ლარით, ნაცვლად 0.265 ათ.ლარისა და შესაბამისად სოციალური უზრუნველყოფის მუხლის თანხა იზრდება 0.27 ათ.ლარით. საკუთარი შემოსავლებით გასაწევი ხარჯებიდან სხვა ხარჯების მუხლში თანხა მცირდება 0.3 ათ.ლარით და შესაბამისად სოციალური უზრუნველყოფის მუხლის თანხა იზრდება 0.3 ათ.ლარით

(მომართვის N 62-622116131, 10/06 /2021 წ. საკრებულოს რეგისტრაციის N 12-63211617-63

10/06/2021წ.)

კენჭისყრის შედეგად, ბიუროს წევრთა გადაწყვეტილებით, ძირითად განმხილველ კომისიად განისაზღვრა საფინანსო-საბიუჯეტო საკითხთა კომისია.

9. 2021 წლის 10 ივნისის N 62-622116075, წერილობითი მომართვა, რომელიც ეხება სამტრედიის მუნიციპალიტეტის 2021 წლის ბიუჯეტის მაისის თვის შესრულების და შესრულების ანალიზი, თანდართული ფორმების მიხედვით.

(მომართვის N 62-622116075, 09/06 /2021 წ. საკრებულოს რეგისტრაციის N 12-63211611-63

10/06/2021 წ.)

კენჭისყრის შედეგად, ბიუროს წევრთა გადაწყვეტილებით, ძირითად განმხილველ კომისიად განისაზღვრა საფინანსო-საბიუჯეტო საკითხთა კომისია.

10. 2021 წლის 10 ივნისის N 62-622116178, წერილობითი მომართვა, რომელიც ეხება „სამტრედიის მუნიციპალიტეტის 2021 წლის ბიუჯეტის დამტკიცების შესახებ“, სამტრედიის მუნიციპალიტეტის საკრებულოს 2020 წლის 18 დეკემბრის N17 დადგენილებაში ცვლილებების შეტანის საკითხს.

(მომართვის N 62-622116178, 11/06 /2021 წ. საკრებულოს რეგისტრაციის N 12-63211621-63

11/06/2021 წ.)

კენჭისყრის შედეგად, ბიუროს წევრთა გადაწყვეტილებით, ძირითად

განმხილველ კომისიად განისაზღვრა საფინანსო-საბიუჯეტო საკითხთა კომისია.

ამით, დღის წესრიგით გათვალისწინებული საკითხები ამოწურულია.

ნუგზარ ჯამბურია

სამტრედიის მუნიციპალიტეტის საკრებულო-
სამტრედიის მუნიციპალიტეტის საკრებულოს
თავჯდომარე

გამოყენებულია კვალიფიციური
ელექტრონული ხელმოწერა/
ელექტრონული შტამპი

